

172 og hún einnig hefir neitað, að það sje rjett tilfært í sveitarbók Holtshrepps, að styrkur
18. nóv. sá, er þar getur um, hafi verið veittur eptir tilmælum Akrahrepps, og hefir Holtshreppur ekki sannað þetta. En hvað sem nú því líður, þá sýna undirtektir hreppsboenda Akrahrepps, undir beiðni Einars um styrk þaðan, að þeir hafa álitid Einar hjálparþurfa, og þegar í sambandi við þetta er tekið tillit til þess, sem síðan hefir komið fram um ástæður Einars veturinn 1872—73, virðist ekki geta verið neinn vafi um, að sveitarstyrkur sá, er Holtshreppur veitti Einari hafi verið nauðsynlegur, Akrahreppur virðist því síður hafa ástæðu til að bera sig upp undan meðferð Holtshrepps á þessu máli, sem þessum hreppi hefði í rauninni verið bæði heimilt og skylt að veita Einari bráðabirgðastyrk samkvæmt 9. gr. fátækrareglugjörðarinnar, undireins og hreppstjórnarnir væru komnir að raun um neyð Einars og án þess að biða þess, að Einari bættist styrkur úr Akrahreppi. Hinsvegar hefði Holtshreppur, undireins og Einar fór þess á leit að fá hjálp af sveitarsjóði, átt að framkvæma skoðunargjörð á matbyrgðum Einars, en þegar haft er tillit til annara ástæða þessa máls, virðist þessi vanrækt ekki geta haft þá verkun, að styrkurinn verði álitinn ólöglega greiddur úr sveitarsjóði.

Í sambandi hjer við skal þess getið, að talsverðar líkur hafi komið fram fyrir því, að styrkurinn frá Holtshreppi hafi verið veittur 16. marz 1873 eða daginn áður en hreppstjórnin í Akrahreppi sendi Einari 20 kr. ávisanina, er var send með tækifæriferðum og því hlýtur að hafa verið nokkra daga á leiðinni, og að bæði Einar og Holtshreppstjóri hafi borið, að Holthreppstjórnar hafi ekki fengið vitneskju um styrkinn úr Akrahreppi fyrr en löngu eptir, að Einar hafði fengið styrkinn úr Holtshreppi. En að því er það snertir, hvort Einar hefði getað fengið lán hjá kaupmanni, í stað þess að leita sveitarstyrks, þá er varla líklegt eptir því sem efnahag Einars er lýst veturinn 1872—73, að hann þá hafi haft mikið lánstraust í kaupstað, og getur sjálfsagt ekki komið til tals, að sveitarstjórnir, megi hvetja þurfainga til að leita annarstaðar lána, er þeir auðsjáanlega ekki gætu fengið nema með því að leyna fátækt og bágbornum ástæðum sínum.

Það verður því að ætla, að sveitarstyrkur sá frá Holtshreppi, er getur um í þessu máli, hafi verið löglega lagður hlutaðeigandi fátæklingi, og kemur því ekki til tals að rannsaka, hvort styrkur sá, er Einari barst frá Akrahreppi litlu eptir að hann hafði fengið styrk frá hreppstjóranum í Holtshreppi, og annar 20 kr. styrkur frá tengdaföður hreppstjórans í Akrahreppi, er Einar fjekk á 10. ári dvalar sinnar í Holtshreppi eða veturinn 1873—74 verði álitinn sveitarstyrkur, þó hann sje ekki ritaður í viðkomandi sveitarbók.

Samkvæmt öllu því, sem þannig er tekið fram, skal úrskurður sá, er þjer herra amtmaður og sýslumaðurinn í Skagafjarðarsýslu, hafið lagt á málið, óraskaður standa.

173
24. nóv.

Brjef landshöfðingja til amtmannsins yfir suður- og vesturumdæminu um jörðina Kaldaðarnes. — Með þóknanlegu brjefi frá 20. þ. m. hafið þjer, herra amtmaður, sent mjer brjef sýslumannsins í Árnessýslu frá 3. júlí þ. á. þar sem hann tekur fram ýms, að hans álit, vafasöm atriði viðvíkjandi spítalajörðinni Kaldaðarnesi, er honum með brjefi mínu frá 18. apríl þ. á. (stjórnartíð. B. 92.) var boðið að takast á hendur umsjón yfir fyrst um sinn. Þjer hafið einnig með sama brjefi sent mjer erindi ábúandans á nefndri jörðu Einars Ingimundssonar, dags. 3. júlí þ. á. Út af þessu vil jeg hjer með tjá yður það, er hjer segir, til þóknanlegrar leiðbeiningar og birtingar fyrir hlutaðeigöndum.

Af skýrslum þeim viðvíkjandi leigumála á jörðum landssjóðsins, er jeg hafið

beiðzt með bræfi mínu frá 19. septbr. 1877 (stjórnartíð. s. á. B. 112) varð jeg þess áskynja, að hin fyrrverandi spítalajörð Kaldaðarnes væri ekki háð neinu eptirliti af hálfu hins opinbera, því þó að hinum núverandi ábúanda sje með byggingarbræfi frá 31. desbr. 1868 áskilið í «umboðs»- og ómakslaun 1 hnd. af hinu árlega eptirgjaldi, er það vita-skuld, að ábúandinn getur ekki fyrir bönd hins opinbera haft eptirlit með sjálfum sjer. Með ofan nefndu bræfi mínu lagði jeg því fyrir sýslumanninn í Árnessýslu að takast á hendur umsjón með nefndri jörðu, fyrst um sinn eptir nánari skipun yðar herra amtmað-ur, og leiðir þar af, að sýslumanninum ber að láta í tje þær skýringar og uppástungur með tilliti til leigumála nefndrar jarðar, sem umboðsmönnunum var með nefndu bræfi mínu frá 19. septbr. 1877 boðið að útvega viðvíkjandi hinum öðrum opinberu jörðum, og í annan stað, að hafa umsjón með, að jörðinni, húsum hennar, kirkjunni o. fl. sje haldið í tilhlýðilegu standi samkvæmt byggingarskilmálum þeim, er nú eru eða síðar kynnu að verða settir. Þar á móti er ekki með ofan nefndu bræfi mínu, eins og það ljóslega sýnir, ætlast til neinna breytinga að svo stöddu á skilmálum þeim, er settir voru með byggingarbræfi ábúanda þess, sem nú er, frá 31. desbr. 1868, og leiguliðanum ber því eins og að undanfögnu samkvæmt þeim, að greiða hið árlega eptirgjald í hinn fyrrverandi læknasjóð, sem nú er lagður saman við landssjóðinn, og er að öðru leyti skyldur að gegna öllum þeim kvöðum, er byggingarbræfið leggur honum á herðar.

Að því leyti að fyrirspurn sýslumannsins sjerstaklega gengur út á, hvort hann eigi að veita móttöku kirkjunni á Kaldaðarnesi og hafa á hendi reikningshald hennar, vil jeg geta þess, að þar eð biskup hefir umsjón með kirkjureikningnum, og hann hefir eigi komið með neina uppástungu um að svipta Einar Ingimundsson fjárhaldi kirkjunnar, er honum hefir verið trúað fyrir, finn jeg eigi ástæðu til að svo komnu að gjöra nokkra breytingu í þessu tilliti.

Til leiðbeiningar fyrir sýslumanninn við nefnda umsjón, læt jeg fylgja eptirrit af nefndu byggingarbræfi frá 31. desbr. 1878.

Auglýsing

um póstmál.

174
25. nóv.

Ráðgjafinn fyrir Ísland hefir samþykkt,

- 1, að bræfhirðingin á Hofi í Álptafirði leggist niður og að í hennar stað stofnist bræfhirðing á hentugum stað í Lóni í Austur-Skaptafellssýslu.
- 2, að aukapóstur sá, er gengur frá Víðimýri (Krossanesi) í Skagafjarðarsýslu leggi leið sína um Glaumbæ, Reynistað, Saudárkrók, Ás og Lón að Hofsós, og að bræfhirðing verði stofnuð í Saudárkrók.

Þessar breytingar öðlast gildi 1. janúar 1880.

Landshöfðinginn yfir Íslandi, Reykjavík 25. nóvember 1879.

Hilmar Finsen.

Jón Jónsson.

Áætlun

um 3 fyrstu ferðir landpóstanna árið 1880.

175
25. nóv.

Yfirstjórn hinna dönsku póstmála hefir í bræfi frá 6. þ. m. skýrt mjer frá, að